



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 05-2175-5/22
Sarajevo, 28.06.2022. godine

Na osnovu člana 23. stav (1) tačka r) Zakona o Agenciji za bankarstvo Federacije BiH ("Službene novine Federacije BiH", broj: 75/17), člana 16. stav (1) tačke n) i t) Statuta Agencije za bankarstvo Federacije BiH ("Službene novine Federacije BiH", broj: 3/18), člana 70. st. (1), (4) i (6) Zakona o javnim nabavkama ("Službeni glasnik BiH", broj: 39/14) i člana 8. stav (2) tačka d) Pravilnika o uspostavljanju i radu Komisije za javne nabavke iz Zapisnika o pregledu i ocjeni ponuda broj: 05-2175-4/22 od 28.06.2022. godine, direktor Agencije za bankarstvo Federacije BiH donosi

ODLUKU

o poništenju postupka javne nabavke usluga

Član 1.

Prihvata se preporuka Komisije za provođenje postupka javne nabavke usluga putničkih agencija – posredovanje pri nabavci avionskih karata za potrebe Agencije za bankarstvo Federacije BiH (Zapisnik broj: 05-2175-4/22 od 28.06.2022. godine) da se predmetni postupak poništi, jer nema dovoljno prihvatljivih ponuda za zaključivanje okvirnog sporazuma sa više ponuđača.

Član 2.

Ova odluka bit će objavljena na službenoj web stranici Agencije, istovremeno sa upućivanjem iste ponuđačima koji su sudjelovali u predmetnom postupku javne nabavke, u skladu sa odredbama člana 70. stav (6) Zakona o javnim nabavkama.

Član 3.

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

Član 4.

Ova odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke usluga broj: 05-2175/22 od 26.05.2022. godine, odobreno je provođenje postupka javne nabavke usluga putničkih agencija – posredovanje pri nabavci avionskih karata za potrebe Agencije za bankarstvo Federacije BiH. Javna nabavka sprovedena je putem konkurentskog zahtjeva za dostavu ponuda, uz odabir najniže cijene tehnički zadovoljavajuće ponude, s namjerom zaključivanja okvirnog sporazuma sa više ponuđača. U skladu sa članom 35. Zakona o javnim nabavkama, Obavještenje o nabavci broj: 3010-7-2-143-3-32/22 od 03.06.2022. godine i Ispravka Obavještenja o nabavci broj: 3010-7-2-143-8-33/22 od 13.06.2022. godine objavljeni su na Portalu javnih nabavki (ejn.gov.ba). Procijenjena vrijednost javne nabavke utvrđena je u ukupnom iznosu od 45.000,00 KM, bez poreza na dodanu vrijednost (PDV).

Posebnim Rješenjem ugovornog organa br. 05-2175-1/22 od 14.06.2022. godine imenovana je Komisija za javne nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda broj: 05-2175-4/22 od dana 28.06.2022. godine, u kojem je konstatala da predmetna nabavka podrazumijeva zaključenje okvirnog sporazuma sa više ponuđača, te da nije dostavljen broj prihvatljivih ponuda određen u članu 32. stav (4) Zakona o javnim nabavkama, u kojem je definirano da se okvirni sporazum zaključuje sa više ponuđača za isti predmet nabavke, a da broj ponuđača s kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača.

Uvažavajući sve navedeno, Komisija je jednoglasno predložila odgovornoj osobi ugovornog organa da donese odluku o poništenju predmetnog postupka javne nabavke usluga, shodno članu 69. stav (2) tačka c) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/ Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmužić

Dostaviti:

- učesnicima u postupku;
- Sektoru zajedničkih funkcija;
- a.a.

